

কন্টেইনার বিষয়ে গৃহীত নিরাপত্তা উদ্যোগ এবং যুক্তরাষ্ট্রে খাদ্য রপ্তানির জন্য প্রযোজ্য নতুন নীতিমালা-র ওপর সমীক্ষা উপস্থাপনা

ঢাকা, ২৪শে সেপ্টেম্বর -- যুক্তরাষ্ট্রের শুল্ক ও সীমান্ত রক্ষা বিষয়ক ব্যরো (সিবিপি) সে দেশের কন্টেইনার বিষয়ে গৃহীত নিরাপত্তা উদ্যোগ এবং যুক্তরাষ্ট্রে খাদ্য রপ্তানির জন্য প্রযোজ্য নতুন নীতিমালা-র ওপর একটি সমীক্ষা উপস্থাপন করবে। আগামী ২৯শে সেপ্টেম্বর বিকেল ৪টায় চট্টগ্রাম চেম্বার অব কমার্স অ্যান্ড ইন্ডাস্ট্রি ভবনে এবং ৩০শে সেপ্টেম্বর দুপুর ৩টায় ঢাকা চেম্বার অব কমার্স অ্যান্ড ইন্ডাস্ট্রি ভবনে এই সমীক্ষাটি উপস্থাপন করা হবে।

নিরাপত্তা বিষয়ে ক্রমবর্ধমান উদ্বেগের প্রেক্ষিতে ‘সিবিপি’ যুক্তরাষ্ট্রগামী কার্গো-সমূহের নিরাপত্তা নিশ্চিত করার লক্ষ্যে এই সকল নতুন নতুন নীতিমালা ও কর্মসূচী প্রণয়ন করা হয়েছে। এই ‘কন্টেইনার নিরাপত্তা উদ্যোগ’ (সিএসআই) এমন একটি কর্মসূচী যা বিশ্ব বাণিজ্যের একটি অপরিহার্য কিন্তু ভঙ্গুর যোগসূত্রকে অর্থাৎ সমুদ্রগামী কন্টেইনারসমূহকে নিরাপত্তা প্রদান করবে। এর ২৪-ঘণ্টাব্যাপী নিয়ম অনুযায়ী ‘সিবিপি’-র কাছে অগ্রিম সমষ্ট তথ্য পাঠাতে হবে। নিরাপত্তা জোরদার করার লক্ষ্যে প্রণয়ন করা হয়েছে ‘সন্ত্রাসের বিরুদ্ধে শুল্ক-বাণিজ্য অংশীদারিত্ব’ (সি-টিপিএটি) কর্মসূচী। বাংলাদেশী ব্যবসায়ী প্রতিনিধিদের জানা প্রয়োজন এই সকল নতুন নতুন কর্মসূচী ও নিয়মকানুনসমূহ তাদের ব্যবসাকে কিভাবে প্রভাবিত করবে এবং আমেরিকার কঠোরতর নিরাপত্তা নীতিমালার সাথে সঙ্গতি রাখার জন্য তাদের কী করা প্রয়োজন।

গত ২৯শে জানুয়ারি, ২০০৩, যুক্তরাষ্ট্র খাদ্য ও ওষুধ প্রশাসন একটি নতুন নীতিমালা ঘোষণা করে যাতে বলা হয়েছে যুক্তরাষ্ট্রে যে সকল দেশী বা বিদেশী খাদ্য প্রতিষ্ঠান মানুষের অথবা পশুদের জন্য খাদ্য প্রস্তুত, প্রসেস, প্যাকেট, অথবা মানুষ অথবা পশুর গ্রহণের জন্য যুক্তরাষ্ট্রে মজুদ রাখে তাদেরকে অবশ্যই ২০০৩ সালের ১২ই ডিসেম্বরের মধ্যে ‘এফডিএ’-র অধীনে নিবন্ধন করতে হবে। ‘জনস্বাস্থ্য নিরাপত্তা ও জীবাণুসন্ত্রাস মোকাবিলায় প্রস্তুতি ও প্রতিবিধান আইন ২০০২’ (পাবলিক হেলথ সিকিরিটি অ্যান্ড বায়োটেরিজম প্রিপেয়ার্ডনেস অ্যান্ড রেসপন্স অ্যাস্ট, ২০০২, সংক্ষেপে ‘বায়োটেরিজম অ্যাস্ট’) বাস্তবায়ন করার জন্য এই প্রস্তাব একটি মূল ভূমিকা পালন করছে।

উপস্থাপনা বিষয়ে বিস্তারিত তথ্যের জন্য আগ্রহী ব্যক্তিগণ যুক্তরাষ্ট্র দুতাবাসের ইউ.এস. ট্রেড সেন্টার অথবা ঢাকা এবং চট্টগ্রাম চেম্বারে যোগাযোগ করতে পারেন।

— — — — —

IRAVI / 2003